



R 26
2-2

御纂醫宗金鑑卷五

編輯外科心法要訣目錄

眼部

眼胞菌毒

鍼眼

椒瘡

皮翻證

目中努肉

鼻部

鼻疽

眼丹

眼胞痰核

粟瘡

漏睛瘡

鼻疔

鼻淵

鼻齕瘡

鼻瘡

鼻痔

肺風粉刺

酒皸鼻

耳部

黑疔

耳疔

耳疔

耳痔

耳聾

耳挺

旋耳瘡

口部

大人口破

鷺口瘡

口糜

脣部

反脣疔

脣疽

脣風

齒部

牙疔

鑽牙疔

牙癰

齒齲

鎖口疔

齒疔

牙宣

牙疔

走馬牙疔

齒齲


御纂醫宗金鑑卷五

編輯外科心法要訣

眼胞菌毒圖



菌毒生於眼胞邊形如豆黃白也如菌形



御纂醫宗金鑑卷五

編輯外科心法要訣

眼部

眼胞菌毒

菌毒生於眼睫邊如菌黃亮水胞圓頭大蒂小漸垂出脾濕鬱熱結凝堅

註

此證生於上下眼胞睫邊初如菌形頭大蒂小黃亮水胞或有頭小蒂大者漸長垂出堅凝不痛有纏綿經年不愈者以致目病益眼胞屬脾其經素有濕熱思鬱氣結而生也初起宜用清涼圓洗卽消有經年皮厚消之不應者法當布軟綿紙蘸水潤眼皮菌毒處少頃用左手大指甲墊於患根右手持鉞尖頭齊根切下血出不妨卽用翠雲

錠磨濃塗之其血卽止內服涼膈清脾飲忌海腥煎炒

清涼圓

當歸尾

石菖蒲

赤芍藥 各二錢

川黃連

地膚子

杏仁 各一錢

羌活 五分

膽礬 二分

共研粗末以大紅紬包之如櫻桃大甜滾水浸泡乘熱速

洗勿見塵土

方歌清涼圓內用川連歸尾菖蒲芍膽礬羌活杏仁地膚子茵

毒初起洗之痊

翠雲錠子

杭粉 五兩

銅綠

黃連 各一兩

輕粉 一錢

共為細末用糯米百粒水一盃煎半盃去米再煎至三分

和藥作錠陰乾用時水磨令濃以雞翎蘸塗患處

方歌翠雲錠子能止血銅綠輕杭黃連強共為細末和成錠菌

毒切後塗之良

涼膈清脾飲

生地黃

連翹 去心

梔子 生研

薄荷

荆芥

防風

石膏

黃芩

赤芍 各一錢

煨

甘草

生五分

水二鍾燈心二十根煎八分食遠服

方歌涼膈清脾生地黃連翹梔子薄荆防石膏芩芍兼甘草醫

治菌毒服卽康

眼丹圖



眼丹生於眼胞左右相他

御製醫宗金鑑卷三

眼丹

眼丹眼胞上下生紅熱腫痛軟偏風炊熱紫硬偏於熱荆防敗毒眼有功

註

此證由脾胃濕熱受風而成紅腫疼痛若腫軟下垂不能視物者偏於風盛也浮腫易消若炊紅色紫堅硬者偏於熱盛也腫硬難消初起俱宜荆防敗毒散散其風口渴便燥者宜內疎黃連湯瀉其熱有日久消之不應者宜服透膿散膿熟針之腫用如意金黃散洗之潰用琥珀膏或白膏藥貼之此證宜速潰遲則潰深穿透眼胞成漏難斂

荆防敗毒散

見項部腦疽

丙疎黃連湯

如意金黃散

透膿散 俱見腫瘍門

琥珀膏 見頭部髮際瘡

白膏藥 見潰瘍門

圖

眼

鍼



鍼眼生蒼翳即小瘡也

鍼眼

鍼眼眼睫豆粒形輕者洗消膿不成甚則赤痛膿鍼愈破後風
侵浮腫生

註

此證生於眼皮毛睫間由脾經風熱而成形如豆粒有尖
初起輕者宜用如意金黃散鹽湯沖洗膿不成卽消矣風
熱甚者色赤多痛洗之不消膿已成也俟熟鍼之貼黃連
膏亦有破後邪風侵入瘡口令人頭面浮腫目赤澀痛者
外仍流之內服芎皮散卽愈

芎皮散

川芎二兩

青皮一兩

共爲末每服二錢菊花湯調服

外以枯礬末雞子清調敷腫處

又用南星末同生地黄搗膏貼太陽穴自消

方歌芎皮散內用川芎青皮減半用最靈爲末菊花湯調服醫

治鍼眼自成功

如意金黃散 見腫瘍門

黃連膏 見鼻部
鼻瘡內

眼胞痰核圖

痰核生於眼上胞合於處其皮色如常



此痰核生於眼上胞合於處其皮色如常

眼胞痰核

眼胞痰核濕氣鬱核結如棗如豆形皮裏肉外推之動皮色如常硬不疼

詳

此證結於上下眼胞皮裏肉外其形大者如棗小者如豆

推之移動皮色如常硬腫不疼由濕痰氣鬱而成宜服化

堅二陳丸外用生南星蘸醋磨濃頻塗眼皮日數次者即

消日數深者雖不能即消常塗令皮薄微微撥損以手指

甲擠出如白粉汁即消貼貝葉膏收口從眼皮裏潰破者

難斂

化堅二陳丸